


Edukasyon sa Pagpapakatao

**Unang Markahan – Modyul 5:
Pagkakaisa sa Pagtatapos ng
Gawain**





Alamin

Naranasan mo na bang magtrabaho mag-isa sa bahay man o sa paaralan? Ano ba ang pakiramdaman kung mag-isa ka lang? Maliit man o malaki ang gawain basta't sama-sama ay magaan ito.

Familyar ka ba sa kantang “*No man is an Island*”? Oo, walang sinumangnabubuhay na nag-iisa. Kailangan natin ang isa't isa upang mabuhay bilang panlipunan na nilalang. Sa pakikiisa, naipababatid mo ang iyong pagmamahal at pagmamalasakit sa kapuwa. Dito mo rin maipakikita ang iyong halaga bilang bahagi ng pangkat.

Ang pagkakaisa ay magandang ugali na dapat mong matututuhan. Nagbibigay-daan ito sa pagtatamo at ikatatagumpay ng layunin ng anumang gawain.

Ang sumusunod na mga layunin ang tatalakayin sa modyul na ito: Nakapagpapatunay na mahalaga ang pagkakaisa sa pagtatapos ng gawain.

- ☐ Nakalalahok ng masigla sa anumang proyekto ng pangkat na kinabibilangan;
- ☐ Nakapagpapakita ng kusang-loob na pakikiisa sa mga gawain;
- ☐ Naisasagawa ang pagtulong upang madaling matapos ang gawain.



Subukin

Piliin sa **Kolum B** ang ibig sabihin ng pahayag na nasa **Kolum A**. Isulat sa sagutang papel ang iyong sagot.

Kolum A

1. paggawa ng di inuutusan
2. nakatakhang proyekto
3. kooperasyon sa gawain
4. samahan
5. pagtatapos ng gawain
6. inaasahang gampanin
7. nais na makamtan sa paggawa
8. sama-samang paggawa
9. pahayag ng pagmamalasakit
10. pagbibigay sa kapuwa sa nararapat

Kolum B

- a. tungkulin
- b. pagtutulungan
- c. pagkukusa
- d. pagkakaisa
- e. gawain
- f. katarungan
- g. pangkat
- h. tagumpay
- i. layunin
- j. pakikilahok

Aralin 1

Pagkakaisa sa Pagtatapos ng Gawain

Ang tao ay panlipunang nilalang. Nabubuhay siya kasama ang kapuwa. Kaya, mahalaga na matuto siyang makipag-ugnayan sa tao. Ang ugnayang kaniyang binubuo ay tinatawag na pakikipagkapuwa-tao. Ang pagiging tapat ay pagiging matuwid. Ito ang daan upang madaling malunasan ang anumang suliraning kinakaharap.



Balikan

Pag-aralan ang mga larawan sa ibaba. Ano-anong katangian kaugnay sa pagkakaisa ang kailangan sa pagtupad ng gawain? Isulat sa kuwaderno ang iyong sagot.

Paggawa ng proyekto



Photo credit: Jennifer M. Dejarlo-Alviar, MT-II SDO Biliran

pagpupulong



Photo credit: Jennifer M. Dejarlo-Alviar, MT-II SDO Biliran

pagtatanghal



Photo credit: Jennifer M. Dejarlo-Alviar, MT-II SDO Biliran

1. _____

2. _____

3. _____



Tuklasin

Basahing mabuti ang kuwento at sagutin ang sumusunod na mga tanong. Isulat sa kuwaderno ang iyong sagot.

Ang pangkat ni Ben ay inatasan ng kanilang guro sa Araling Panlipunan na magpakita ng isang katutubong sayaw. Bilang lider ng grupo, kaagad nagpatawag si Ben ng pagpupulong sa kanilang mga kasama. Lahat sila ay may kani-kaniyang gawain na dapat gampanan. Kaagad naman nilang ginawa ang mga ito ng may pagkukusa.

Sa araw ng kanilang pagtatanghal ay naging maganda ang kanilang presentasyon. Lahat ay napahanga lalong-lalo na ang kanilang guro. Tinanong sila kung paano nila ito nagawa ng maayos sa maikling panahon. Napangiti lamang si Ben at sumagot ng maikling tugon, “Ang tingting kapag pinagsama-sama ay nagiging matibay”.

Mga Tanong:

1. Ano ang katangiang ipinakita ng pangkat ni Ben?

2. Paano ginampanan ni Ben ang kaniyang tungkulin bilang lider ng grupo?

3. Ano kaya ang maaaring mangyari kung hindi tumulong ang mga kasapi ng grupo sa kanilang gawain?

4. Kung ikaw ay bahagi ng pangkat ni Ben, ano ang mararamdaman mo? Bakit?

5. Ipaliwanag ang kasabihan, “Ang tingting na pinagsama ay nagiging matibay”.



Suriin

Ang pagkakaisa ay makatarungang kilos. Bakit? Kasi, sa pakikiisa, ibinibigay mo sa kapuwa kung ano ang nararapat. Kung kaya mahalaga ito sa pagtatapos ng anumang gawain. Patunay na may pagkakaisa sa pangkat ang pag-iral ng ***pagtutulungan, pakikilahok at pagkukusa***.

May *pagtutulungan* kung sama-sama ang lahat sa paggawa upang matamo ang layunin. Anumang gawain, basta't tulong-tulong ang bawat miyembro, ay magiging magaan ito.

Bawat miyembro ng pangkat ay may mahalagang tungkulin na dapat gawin. Ang pagpapahalaga sa tungkulin ay naipababatid sa pakikilahok at pagkukusang-loob.

Ang *pakikilahok o kooperasyon* ay pahayag ng pagsuporta sa ikatatagumpay ng gawain. Tanda rin ito ng pagpapahalaga sa iniatas na tungkulin sa pangkat. Mas malalim ang kahulugan ng pakikilahok kung ito ay kinusa. Ang *pagkukusa o bolunterismo* ay malayang pagkilos o pagganap para sa kabutihang panlahat. Patunay ito sa pagmamahal at pagmamalasakit mo sa iyong gawain at kapangkat.

Malaki man o maliit, ang iyong ambag sa pagtatapos ng isang gawain o proyekto ay may halaga.



Pagyamanin

Iguhit ang masayang mukha 😊 kung ang pahayag sa ibaba ay nagpapakita ng pagkakaisa sa paggawa at malungkot na mukha ☹ kung hindi. Gawin ito sa iyong sagutang papel.

1. Pagdalo sa mga pagpupulong ng mga miyembro ng pangkat.
2. Pakikilahok sa palitan ng opinyon kung paano gagawin ang proyekto.
3. Pagsasaliksik sa silid-aklatan kung paano higit na mapabubuti ang paggawa.
4. Patuloy na paglalaro samantalang gumagawa ng proyekto ang mga kasamahan.
5. Pakikinig sa opinyon ng ibang miyembro ng pangkat.
6. Pagsunod sa utos ng pinuno ng pangkat.
7. Pamimintas sa ideya ng kasama.
8. Pagtulong sa kasama na tapusin ang bahagi nito sa proyektong ginagawa pagkatapos gawin ang sariling bahagi.
9. Pagtatago ng mga materyal na kailangan upang hindi magamit ng kasama.
10. Pagbati sa mga kasama kapag natapos ang proyekto.



Isaisip

Paano mo mapatutunayan na mahalaga ang pagkakaisa sa pagtatapos ng gawain? Punan ang bawat patlang upang mabuo ang tamang kasagutan. Gawin ito sa iyong sagutang papel.

Ang anumang gawain basta may (_____isa) ay madaling matapos. Kapag namamayani ang diwa ng (_____tu) sa pangkat, gumagaan ang gawain. Mapagtatagumpayan ang proyekto o gawain sa (paki_____) sa pagtamo ng layunin nito. Dapat mong mabatid na ang bawat miyembro ay may mahalagang (_____lin) na dapat gampanan. Ang (_____ku) o boluterismo sa paggawa ng isang proyekto ay nagpapalalim sa kahulugan ng diwa ng pakikiisa.



Isagawa

Pumili ng isa sa sumusunod na gawain na makapagpapatunay ng iyong pakiiisa sa pagtatapos ng gawain. Gawin ito sa iyong sagutang papel.

Gawain A. Gumawa sa iyong sagutang papel ng Talaan ng mga gawaing iyong nilahukan o kusang naisagawa sa loob ng isang Linggo na ikinasisiya ng iyong kapangkat o kapamilya. Palagyan ito ng puna at lagda sa iyong magulang o guro na makapagpapatunay sa katotohanan ng iyong paggawa. Maaaring sundin ang mga nakatalang *rubrics* sa ibaba.

Pakikiisa sa Pagtatapos ng Gawain				
Petsa	Ginampanang tungkulin	Lugar na Pinangyarihan	Bunga o Resulta	Lagda
Hal. May 26, 2020	Paghuhugas ng pinagkainan sa tanghalian	Bahay ng tita	Natuwa si tita dahil nakapagpahinga siya	

Maaaring gawing gabay ang *rubrics* sa ibaba.

Kraytirya/Pamantayan sa Pagsasagawa ng Talaan	(Puntos)					
	10		8		6	
1. Nilalaman ☐ May kaugnayan sa paksa ☐ Makatotohanan ☐ Kumpleto ang mga bahaging hinihingi	Lahat ng pamantayan ay naipamamalas.		Dalawa lang sa mga pamantayan ay naipamamalas.		Isa lang sa mga pamantayan ay naipamamalas.	
2. Malikhaing Presentasyon ☐ Organizado/maayos na pagkakasunod-sunod sa mga datos ☐ Maayos, malinis/malinaw ☐ Akma ang mga materyales na ginamit	Lahat ng pamantayan ay naipamamalas.		Dalawa lang sa mga pamantayan ay naipamamalas.		Isa lang sa mga pamantayan ay naipamamalas.	
3. Timeliness	Naisasagawa/naipapasa bago o ayon sa takdang panahon		Naisasagawa/naipapasa dalawang linggo pagkatapos ng takdang panahon		Naisasagawa/naipapasa ng lagpas sa dalawang linggo pagtakatapos ng	
Kabuuan	10-9.5-9.9-9.0-9.4	100%99%96%	8.5-8.98.0-8.47.5- 7.97.0-7.4	93%90%87%84%	6.5-6.96.1-6.46.0	81%78%75%

Gawain B. Lumikha ng isang simpleng *photojournal* ng iyong karansan sa pakikiisa sa isang gawain o proyekto. Ang iyong *photojournal* ay dapat na maglalaman ng sumusunod:

1. *Cover page*: Isulat ang
 - ☐ Pamagat ng Proyekto o Gawain, *hal. Gulayan sa Paaralan, Birthday Celebration, etc.*;
 - ☐ Asignatura
 - ☐ Baitang at seksyon,
 - ☐ Pangalan mo
 - ☐ Pangalan ng iyong guro
2. Nilalaman
 - ☐ Mga larawan ng iyong ginagawang pakikiisa
 - ☐ Magbigay ng maikling paglalarawan sa iyong ginagawa at petsa kung kalian ito ginanap
3. Pagninilay (isang talata na may di bababa sa 5 pangungusap)
 - ☐ Gumawa ng maikling pahayag ng iyong nararamdaman sa karanasan sa pakikiisa sa gawain o proyekto. Ipaliwanag kung bakit iyon ang iyong naramdaman.

Maaaring gawing gabay ang *rubrics* sa ibaba.

Kraytirya/Pamantayan sa Pagsasagawa ng Photojournal	(Puntos)			
	10		8	6
1. Nilalaman ☐ May kaugnayan sa paksa ang larawan ☐ Makatotohanan ☐ Kumpleto ang mga bahaging hinihingi	Lahat ng pamantayan ay naipamamalas.		Dalawa lang sa mga pamantayan ay naipamamalas.	Isa lang sa mga pamantayan ay naipamamalas.
2. Malikhaing Presentasyon ☐ Organizado/maayos na pagkakasunod-sunod sa mga datos ☐ Maayos at malinis ☐ Akma ang mga materyales na ginamit	Lahat ng pamantayan ay naipamamalas.		Dalawa lang sa mga pamantayan ay naipamamalas.	Isa lang sa mga pamantayan ay naipamamalas.
3. Timeliness	Naisasagawa/naipapasa bago o ayon sa takdang panahon		Naisasagawa/naipapasa dalawang linggo pagkatapos ng takdang panahon	Naisasagawa/naipapasa ng lagpas sa dalawang linggo pagtakatapos ng takdang
Kabuuan	10-	100%	8.5-8.9	93%
	9.5-9.9-	99%	8.0-8.4	90%
	9.0-9.4	96%	7.5- 7.9	87%
			7.0-7.4	84%
				6.5-6.9
				81%
				6.1-6.4
				78%
				6.0
				75%



Tayahin

Basahin ang mga pangungusap. Isulat sa sagutang papel kung **TAMA** o **MALI** ang diwang isinasaad nito.

1. Mahalagang bahagi ng ikatatagumpay ng isang proyekto ang pagkakaisa.
2. Ang pagkakaniya-kaniya ng mga miyembro ng pangkat ay makabubuti sa lahat.
3. Dapat ang lider ng pangkat ang laging masusunod.
4. Kailangang pagplanuhan muna ang gagawing proyekto bago umpisahan.
5. Mahalaga sa pangkat ang opinyon ng bawat miyembro.
6. Ang pakikilahok ay pagpapahalaga sa iniatas na tungkulin.
7. Ang pagkakaisa ay maaari ring maipakita sa tahanan.
8. Huwag ipaalam sa pangkat ang kakayahan para hindi mautusan.
9. Huwag punahin ang mali ng miyembro sa harap ng nakararami
10. Sa anumang gawain, kumilos lamang kung may parangal.



Karagdagang Gawain

A. Isulat kung anong samahan sa paaralan ang iyong kinabibilangan. Alamin ang mga proyektong tumutugon sa layunin ng samahan. Isulat din kung paano makikiisa dito ang mga miyembro ng samahan. Kung sakaling hindi ka pa miyembro, isulat kung anong samahan ang nais mong salihan.

Pangalan ng Samahan Layunin: _____ Proyekto: _____ Tungkulin ng Miyembro: _____

B. Pumili ng isa:

1. Gumawa ng *video* ng aktwal na pakikilahok sa isang gawain ng pangkat.
2. Pumili ng isang awit na nagpapahayag ng kahalagahan ng pakikiisa sa pagtatagumpay sa isang gawain o proyekto. I-*record* ito habang iyong inaawit (pwedeng solo mo itong gawin o kasama ang mga kaibigan o kapangkat). Maaaring gawing gabay ang *rubrics* sa ibaba.

Kraytirya/Pamantayan sa Pagsasagawa ng <i>Video</i> o <i>Recording</i>	(Puntos)		
	10	8	6
1. Nilalaman ☐ May kaugnayan sa paksa ☐ Makatotohanan ☐ Ayon sa <i>Child Protection Policy</i> ng DepEd at <i>Cyber Safety Law</i>	Lahat ng pamantayan ay naipamamalas.	Dalawa lang sa mga pamantayan ay naipamamalas.	Isa lang sa mga pamantayan ay naipamamalas.
2. Malikhaing Presentasyon ☐ Organisado/maayos na pagkakasunod-sunod sa mga datos ☐ Maayos, malinis/malinaw ☐ Akma ang mga materyales na ginamit	Lahat ng pamantayan ay naipamamalas.	Dalawa lang sa mga pamantayan ay naipamamalas.	Isa lang sa mga pamantayan ay naipamamalas.

3. Timeliness	Naisasagawa/ naipapasa bago o ayon sa takdang panahon		Naisasagawa/ naipapasa dalawang linggo pagkatapos ng takdang panahon		Naisasagawa/ naipapasa ng lagpas sa dalawang linggo pagtakatapos ng takdang panahon	
Kabuuan	10-	100%	8.5-8.9	93%	6.5-6.9	81%
	9.5-9.9-	99%	8.0-8.4	90%	6.1-6.4	78%
	9.0-9.4	96%	7.5- 7.9	87%	6.0	75%
			7.0-7.4	84%		

Mga Tala para sa Guro

Ipaunawa sa mag-aaral ang pagsasaalang-alang sa **DepEd *Child Protection Policy* ng DepEd at *CyberSafety Law*** sa pagsasagawa ng proyekto.



Susi sa Pagwawasto

Subukin - c - e - j - g - h - a - i - b - d - f	Balikan - Larawan A- pagkamatulungan - Larawan B- pakikissama - Larawan C- pakikilahok	Tuklasin - Nagtutulungan, nagkakaisa - Kaagad nagpatawag ng pagpupulong sa kanilang mga kasama at nagbigay ng mga dapat - Hindi niya magagawa ng maayos ang kanilang sayaw - Masaya, matuwa, mag-enjoy, feel proud-dahil naging maganda ang kanilang presentasyon (maaring iba-iba ang sagot)
Pagymamanin 6. 😊 7. 😊 8. 😊 9. 😊 10. 😊	Isaisip - Pagkakaisa - Pagtutulungan - Pakikilahok - tungkulin - Pagkukusa Isagawa Rubrics	Tayahin - TAMA - MALI - MALI - TAMA - TAMA - TAMA - TAMA - MALI - TAMA - MALI